

سه لک در سعادت ایچون مجیده
یکری غروش حسابله التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ٤٠ پاره در

تذکره محاکمات

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیده اخذ
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تغییرات

ادرنه ولایتی استیناف محکمه سی مدعی عمومی
معاونلکی قره سی سنجانغی بدایت محکمه سی جزا
دائرة سی رئیس قوتلو صادق افندی به

قره سی سنجانغی بدایت محکمه سی جزا دائرة سی
ریاستی اذمید سنجانغی بدایت محکمه سی جزا دائرة سی
رئیس بهجت بکه

اذمید سنجانغی بدایت محکمه سی جزا دائرة سی
ریاستی ادرنه ولایتی استیناف محکمه سی مدعی عمومی
معاونی خلیل افندی به

اذمید سنجانغی بدایت محکمه سی مدعی عمومی
معاونلکی ارطغرل سنجانغی بدایت محکمه سی مدعی
عمومی معاون قوتلو مصطفی نائی افندی به

ارطغرل سنجانغی بدایت محکمه سی مدعی عمومی
معاونلکی اذمید سنجانغی بدایت محکمه سی مدعی
عمومی معاون برهان الدین بکه

قوصوه ولایتی استیناف محکمه سی مدعی عمومی
معاون نائیلکی ولایت مذکوره مرکز بدایت محکمه سی
اعضاسندن و مکتب حقوق شاهانه مأذونلرندن احمد
حمدی افندی به

سلانیک ولایتی استیناف محکمه سی مدعی عمومی
معاون نائیلکی مکتب حقوق شاهانه مأذونلرندن
پانچه افندی به

یاقوه قضاسی بدایت محکمه سی جزا دائرة سی ریاستی
آچه آباد قضاسی بدایت محکمه سی مدعی عمومی معاون
عبدالرحمن عطاء افندی به

آچه آباد قضاسی بدایت محکمه سی مدعی عمومی
معاونلکی مکتب حقوق شاهانه مأذونلرندن مفید
افندی به

تکفور طانغی سنجانغی تجارت محکمه سی ریاستی
اشقودره ولایتی استیناف محکمه سی اعضای سابقه سندن
کر قور افندی به تفویض بیورلمش و مومی الهمدن
مخلف اولمیان احمد حمدی و پانچه و مفید و کر قور

افندیلرک علی الاصول امر تحلیف لری در دست اجرا
بولنمشدر .

نشان

عدلیه نظارت جلیله سی سبجل قلمی میز لردن
رفعتلو حق بکه در دنجی رتبه دن نشان عالی عثمانی
احسان بیورلمشدر .

تغییر و تحولات

قوصوه ولایتی مرکز بدایت محکمه سی اعضا لغه
سلانیک ولایتی استیناف محکمه سی مدعی عمومی
معاون نائیلی مدحت بک تعیین اولنمشدر .

تبدیلات

اسکدار بدایت محکمه سی اجرا دائرة سنحه موقع
مزایده به قونیلوب سکر یوز یتش عدد لیرای عثمانی بدل
ایله عهده سنده تقرر ایدرک احاله قطعی سی اجرا
قلمش اولان درت باب خانه نک اوچر ربع حصه سنک
حصه دارلر میاننده صغار بولنسنه و اولبابده کی اعلام
ابتدائیده محکی و سینک رضا و موافقی بر حکمی مفید
اولیوب حصص مذکوره نک استردادینه هر وقت
صغیران مومی الهمانک صلاحیتی درکار اولسنه بناء
شو جهتک اذن شرعی استحصالیه تأمینات آلتنه
آلمسی و یاخود بدل مذکورک طرفنه اعاده سی طلبی
متضمن عایشه امضاسیله اعطا قلنان بر قطعه استدعا
ظهرینه محکمه مذکوره اجرا دائره سندن یازیلان
درکنارده ذکر اولنان حصه لرک فروختی حقنده
لاحق اولان حکمک اکتساب قطعی ایدرک بوکا
استناداً جریان ایدن مزایده و احاله قطعی معامله سنک
ختمایله مذکور غیر منقولاتک سندات رسمیه سی اعطا
ایتدیرلمک اوزره بولندینی کوسترلمسنه بناء کیفیت
انجمن عدلیه به لدی الحواله اولبابده نتیجه مذاکراتی

حاوی تنظیم و اعطا قلنان مذکوره ذکر اولنان خانه
حصه لرنک دین مقابلنده فروختی حکمی متضمن
اولوب موقع اجرایه وضع اولنان اعلام میجوت عنک
کسب قطعی ایتش اولسنه و مأمورین اجرایه نک
وظائفی دخی لازم التفیذ اولان بوکی اعلاماتی اجرایه
منحصر بولنسنه نظراً شو خصوصه اسکدار اجرا
دائرة سنحه مذکور حصه لرک بر موجب اعلام اموال
غیر منقوله نک فروختی حقنده کی نظامنامه مندرجانه
توفیقاً بالمزایده مشتریسی نامنه سند رسمینک تنظیم
و اعطاسی اسبابی استکمالدن بشقه یاییله حق معامله
اولدینی مثللو احاله قطعیه اجرا سیله غیر منقول
عهده سنده تقرر ایتش اولان مشتری نک دخی اشترادن
نکولی حالنده ظهور ایده جک نقصان بدلی مع مصارف
تأدیه به مجبور طوئلق قید و شرطیله تکرار امر
مزایده نک ایفامی مذکور نظامنامه نک اونجی ماده سی
احکامندن بولنش اولوب انجق اخیراً خانم مومی الیها
جانبندن بالاعطاحواله بیوریلان عر ضحاله سالف الذکر
خانه لرک یکری ایکی بچق سهمنه متصرف اولان ثریا
بک بوکره وفاتی وقوع بولمش و احاله قطعیه اوزرینه
اذن متولینک لاحق اولمامسندن ناشی الیوم متوفای
مومی الیهک عهده تصرفنده اوله رق عادیاً ورثه سنه
انتقالی طبعی بولنش اولان حصص مذکوره نک
انتقالی توسیع ایدلماش اولدینی جهتله بعد الوفاة
تأمین دین ایتیه جکی یولنده در میان اولنان احوال
حادثه اوزرینه دائرة اجرا به ٨ مارت سنه ٣٢١
تاریخی تحریرات عمومیه ایله تبلیغ اولنان مقررات
و حصص مذکوره نک بطریق الوفا داین عهده سنده
اولسنه کورده ده مطلوباتی مقابلنده یالکر حق حبسی
بولنان داین مومی الیهک بوصولیتی استعمال
ایده بیله جکی تضمن ایدن احکام قانونیه به توفیق
معامله اولنمق ایجاب ایده جکندن بووجهله دائرة
مذکوره به تبلیغ کیفیت اولنمق اوزره عر ضحال
مذکورک امور حقوقیه مدیریته تودیبی لزومی بیان
وافاده قلمشدر .

محاکمات قضائیه

درسماعت استیناف مدعی هر میگذرد

ارباب فساد ایل به بالاستراک تقوهات بدخواهانیه اجتنار ایلدیک اداغاسیله مظنون علیه اولان شکری بن حاجی سعیدک اصول محاکمات جزایه قانونک مواد مخصوصه سی احکامه توفیقاً جنایت محکمه سنده محاکمه سی اجرا قلمق اوزره قانون جزانک الی سکنجی ماده سی موجبجه جنایتله اتهامه قرار ویرلدیکندن متهم مرقومک هر زرده کوریلور ایسه طویلوب محکمه مذکوره توفیقخانه سنه تسلیمی لازم کله جکی بالجله ضابطه عدلیه مأمورلرینک معلومی اولق اوزره اشبو اخذ و گرفت مذکوره سی درسماعت هیئت اتهامیه سندن بالتنظیم اعطا قلدی .

رومانیایه فرار ایدرک نشریات مضریه به اجتنار ایلدیک اداغاسیله مظنون علیه اولان ابراهیم ادهک اصول محاکمات جزایه قانونک مواد مخصوصه سی احکامه توفیقاً جنایت محکمه سنده محاکمه سی اجرا قلمق اوزره قانون جزانک الی سکنجی ماده سی موجبجه جنایتله اتهامه قرار ویرلدیکندن متهم مرقومک هر زرده کوریلور ایسه طویلوب محکمه مذکوره توفیقخانه سنه تسلیمی لازم کله جکی بالجله ضابطه عدلیه مأمورلرینک معلومی اولق اوزره اشبو اخذ و گرفت مذکوره سی درسماعت هیئت اتهامیه سندن بالتنظیم اعطا قلدی .

محکمه تمیز استدعا دأره سندن تنظیم واعطا قلتان اعلامدر :

قوصوه ولایتی استیناف محکمه سی جزا دأره سندن لاحق اولوب ۷ کانون اول سنه ۳۲۲ تاریخده تفهیم قلتان قرارای حاوی ۸ کانون ثانی سنه ۳۲۲ تاریخی و اوچوز طقوز عدلی اعلامک تمیزاً تدقیقی مستدعی

محکمه مذکوره مدعی عمومیلکی جانبندن معطی ۹ کانون اول سنه ۳۲۲ تاریخی استدعایه و اوراق متفرعه سی باش مدعی عمومیک مأموریت بهیه سنک ۲۲ جز بران سنه ۳۲۳ تاریخی تبلیغامه سی ایل محکمه تمیز استدعا دأره سنه تودیع اولمش ولدی التدقیق استدعایه من بورك مدت قانونیه سنه موافق اولدیی اکلالمش ایدو کندن بالقبول تدقیقات تمیزیه اجراسنه ابتدار قلدی .

اعلام مذکورک خلاصه مائی پیاده ژاندارمه افرادندن محرری ضرب و سب و شتم ایتدکری اداغاسیله مظنون علیهما اولان طاشلیجلی احمد و سلیمان بکلردن احمد بکل فعل مذکوره اجتناری راپور و اخبارات ایله ثابت ایسه ده طرفینک افاداته و جریان محاکمه نظراً مذکور ضربک ایشای وظیفه حالنده وقوعه کلدیک اکلالمش مدیفندن قانون جزانک یوز یتش طقوزنجی ماده سی حکمه توفیقاً مومی الیه احمد بکل برماه مدته حبسنه و سلیمان بکل دخی فعل من بوره جرأتی اکلالمش مدیفندن برائته دأر لاحق اولان حکم ابتدائی علینده مدعی عمومی معاونلکی جانبندن وقوع بولان استیناف دعوی اوزرینه جریان ایدن محاکمه و تدقیقات استینافیه نتیجه سنده اعلام ایتدایده موجود اولان احوال ضرب فعلتک اجرای وظیفه انانسنده وقوع بولدیغی ارانه آتش و بناء علیه مذکور فعلک سالف الذکر ماده یه توفیقی مخالف قانون بولمش اولدیغندن بخله ذکر اولنان حکم ابتدائیک فسحبله مظنون مومی الیه احمدک قانون من بورك یوز اوزن دردنجی ماده سی حکمه توفیقاً الی آی مدته حبسنه قرار ویرلدیکندن عبارتدر .

لایحه تمیز یده مومی الیه احمد بکل محکمه استینافیه جه وقوع بولان دعوته عدم اجابته اثبات وجود ایتدیک حالده دیگر برجرمدن طولانی مظنون و یوم مذکورده محاکمه سی دردت بولنان مستأف نتیجه ی احمد نامنده بری یا کاش اوله رق محاکمه کیروب بحق تدقیق هویت ایدلکمزین طاشلیجلی غائب من بور احمد بکل برینه سهواً و ذهولاً قبول و محاکمسنک و جاهاً بالا اجرا حکم ویرلدیک و اولبابده کی جلب مذکوره سنک تدقیقندن سهو واقعتک تظاهر ایلدیک و طاشلیجلی مستأف علیه مرقوم احمدک غایبده تدقیقات استینافیه نک اجراسی لازمیدن ایکن برمنوال محرر سنجلی مستأف احمدک قبولیه و جاهاً حکم و قرار ویرلسی نقض حکمی موجب اسبابدن بولمش اولدیغندن بخله اعلام استیناف مذکورک قضی استدعا ایدلشد .

تبلیغامه ده دخی لایحه تمیز یده اصوله و اساس ماده یه دأر سرد اولنان اعتراضات بجا و نقضی

موجب کوردیک بیانیله اعلام میز بهک نقضی طلب اولنشد .

ایجابی لدی المذاکره محکمه استینافیه جه مظنون صفیتله جلب و محاکمه سی اجرا قلتان احمد بن عمر حقننده اصول و قانون دأره سنده هویتک تحقیق و سؤال ایدیلرک حاصل اوله جق نتیجه کوره محاکمه نک فصل و رؤیت ایدلسی ایجاب ایدر ایکن محکمه مرقومه جه بوجهندن ذهول ایل برمنوال محرر قرار ویرلسی مغایر اصول و قانون کورنمش و لایحه تمیز یده بوجهته دأر در میان ایدیلان اعتراض وارد و نقض حکمی مستلزم اسباب قانونیه دن بولمش ایدو کندن اصول محاکمات جزایه قانونک اوچوز اوزن دردنجی و اوچوز اوزن طقوزنجی ماده لرلی احکامه توفیقاً اعلام استیناف من بورك بر موجب طلب نقضه ۴ اغستوس سنه ۳۲۳ تاریخده متفقاً قرار ویرلدی .

دلیوس قریه یی الماس بن احمدی قتل ایلدیک ادا اولنسنندن دولای جنایتله اتهام اولنان محمدک اونش سنه مدته کورک قوئسنه دأر سلانیک ولایتی استیناف محکمه سی جزا دأره سندن ویرلان ۵۶۲ نومرولی اعلام محکمه تمیز جزا دأره سنجه تصدیق قلمشدر .

۶۲۵ نومرولی نسخده مندرج درسماعت جنایت محکمه سی اعلامنک مابعدی :

استنطاقامه ده متهمانن آندونک برادری براسیمو ایله سکر حال اوله رق عاشوراجی دکانه کیدر ایکن حسنینک کورمیسکز دیرک نه ایل اولدیغنک فرقدده اوله مدینی برشی ایل اورمسیله یوزی جریحه دار اولدیغنی وحسنی ضرب و جرح ایتدیک کبی قونشدیغی آدم اولیوب یالکز قهوه خانه ده کوریر ایدوکنی و براسیمونک دخی برادری آندون ایل یوله کیدر ایکن حسنی کندیلرینه سی یوقسه کندیلری حسنینک اوزرینه سی یقیدلغنک سر خوشلق حالیه فرقدده اوله مدینی حالده حسنینک شتم ایله برابر کوریکز کورمی دیویزونه برطوقات اورمسیله کندوسنه کلک اوزره و اسیلک قهوه خانه سنه کیتدیکنی و ماده جرحدن خبری بولندیغنی وحسنی ایل کوریشمبوب فقط بومنازه ده کوردیکنی افاده ایلدکری مضبوط بولمش و بوستان باشی سرقومیسر کلنک ۱۴ مارت سنه ۳۲۳ تاریخی ژورنالنده بوکون اخشام ساعت اون بر یق قارلرنده تبعه یونانیه دن آراهیجی آندون ولد

خرستو پالو غوس و مرقومک برادری براسیمونک طویخانه ده ایتدیک باشی محله سنده اورتمه الی زقاغنده انشتمی طلومه مدیری اسماعیل افندیگنک خانه سنده ساکن طلومه تعمیرجیسی حسنی بن عبد اللهی اوموزندن و کورکسندن جرح ایللردن مجروحک برای تدای دأره سادسه خسته خانه سنه کوندردیکنی و مظنون علیهما درسته تحقیقات اجراسنه ابتدار اولدیغنی و مذکور سرقومیسر کلک ۱۵ مارت سنه ۳۲۳ تاریخی دیگر ژورنالنده دخی مجروح حسنی حسن بکل قهوه خانه سنده اوطور مقده ایکن مرقومان آندون و براسیمو کلرک قهوه خانه دن طیشاری چاغروب بر مقدار قونشدقندن صوکره اولا یومر و قله ضرب و بعده براسیمو طویوب آندون بچاقه جرح ایدرک هر ایکسیده فرار ایتدکری و آلت جرح اولان بچاق فرار ایتدیک جاده ده یانین بخلنده وقینی دخی منازعه وقوع بولان یرده بولهرق کتورلمش ایدوکی و سبب منازعه یه کلنجه جاده مذکورده قهوه جی و اسیل قهوه خانه سی اوطه سنده برطاقلرینی عشرت ایتدیرک مرقوم حسنینک محله آره سنده بویه شیر اوله میه جفتدن بخله و اسیل تکدیر ایتسندن ناشی عشرت ایدنلر مینانده بولنان آندون و براسیمو منفصل اوله رق درت کوندنبرو مرقوم حسنی قهوه خانه لرده تحری ایتدکده بولندقلری اجلدن وقمه کونی مرقومان آندون و براسیمونک بالتصادف حسنی جرح آتش اولدقلرینک معلوم الاسامی کسان طرفندن خبر ویرلدیک اشعار و طبیب راپورلرنده ده حسنینک بر آلت قاطعه ایله حصوله کلش صول خاصره سنک فوق الشوکیه سی اوزرنده ایکی بچق ساقیمترو طولنده عمقی عظمه قدر برعدد جرحه یینه عین آلت جارحه ایله حاصل صول طرف خاصره سی تحت الشوکیه سی اوزرنده ایکی بچق ساقیمترو طولنده عمقی کذا عظمه قدر دیگر برعدد جرحه یینه عین آلت ایله حاصل ناحیه قطنیه سی اوزرنده اوچ ساقیمترو طولنده عمقی جوف بطنه نافذ برعدد جرحه کوردلیدیک و او تو ز کون ایشندن قاهره رق قرق کون ظرفده الی یوز غروش اجرت تدای یه ایله التیام ایلدیک و هر نه قدر ناحیه قطنیه سنده کی جرحه بر مقدار شیش واریایسه ده بونکده مرور زمان ایله مندفع اوله جنی و مرقوم آندونک ضرب و یا صدمه ایله حصوله کلش یوزینک ایکی طرفیله جبهه سی صول طرفندن صیریق و بر مقدار شیش مشاهده ایلدیک ازار قلمشدر .

قرائت اولنان اشبو اوراق مندرجاته قارشو نه دیه جکلری متهملردن صورلدقده قبول ایتجیز دیدیلر .

مدعی عمومیک مقامندن اعطا و معامله تبلیغیه سی ایفا قلتان پوصاده اسماعیلی محرر اولوب دعوت واقعه یه اتباعاً ورود ایتدکری خبر ویرلان شاهدلر یکان یکان حضور محکمه یه چقاریلهرق طرفیه برکونه مناسبت و خصوصتاری اولدیغنی اکلالمش و اصولی وجهله امر تخلفاری اجرا قلدقندن صوکره مواجهه استماع اولندقلرنده طویخانه ده یوزا کسانده قره باش محله سنده کائن خانه سنده ساکن و امور بیتیه سیله مشغول اولدیغنی بیان ایدن الی شیشانده آستانه ی خیر الدین بک ابن شا کر وقمه کونی قهوه خانه ده اوطور دینی صرده حسنی اولدی دیملر یله طیشاری چیقوب باقدیقنده باشی آجیق و قائماً جاده ده طور مقده اولدیغنی کوردیکنی و بی اورانک آرقداشی بودر امان یونی قاچرمیک بنم حالم قالدی اجزایخانه یه کیدیورم دیو اوارده بولنان براسیمونی کوستردیکنی و بعده قهوه خانه یه کیرن براسیمونی پولیسلرک دردت ایتدکلرینی و شهادتنک حاضر بالحاکمه براسیمو حقننده ایدکی افاده مضبوطه استنطاقیه سنه موافق صورته بیان ولدی الاستفسار براسیمونک انده بچاق اولدیغنک فرقدده اوله مدینی و کندوسی صوکره دن کیتدیکنی جخله جرحی و براسیمونک اوزرنده قان لکسی مشاهده ایده مدیکنی اتیان ایلدی .

بوشاهدک ذات و شهادته قارشو نه دیه جکی براسیمودن صورلدقده سبب ارانه ایتیه رک قبول ایتیه جکی جوابی آلدی .

بشکطاشده خاصکی ترلاسنده بلدی باش چاوشی مصطفی افندیگنک خانه سنده ساکن قرق یاشنده آستانه ی یورغانچی رشید ادا ابن محمود قهوه نک مصادف اولدیغنی چهارشنبه کونی صبحلین ساعت درت قرارلرنده آندون و براسیمو کندوسنک بولندیغنی حسن بکل قهوه خانه سنه کلرک و براسیمو طیشاریده طوره رق آندون قهوه خانه نک ایچروسنه کیروب باقدقندن صوکره حسنی زرده در دیو کندوسندن سؤال ایتدیکنی و یوم مذکور اخشامی زقاده برکورتی ایشتمی اوزرینه چیقوب باقدیقنده براسیمونک اوردنی طوقادتن حسی سرسام اوله رق یرده و شدیکنی معقب مرقومک حسنی یاشندن طونه رق آندونکده بچاقه جرح ایتدکده اولدیغنی مشاهده ایلدیکنی افاده مضبوطه استنطاقیه سنه موافق صورته اخبار و عندالاستیضاح وقوع جرحدن برقاچ کون اول یعنی بازار و بازار اترستی و صالی کونلری دخی متهملردن آندون حسن بکل قهوه خانه سنه کلرک حسنی صوردیغنی و مرقومک حسنی تحری ایتدیکنی زمان سکران اولدیغنی و مجروحک قاچوب قورتلدیغنی و حقارنده شهادت ایتدیکنی براسیمو و آندون حاضر

بالحا که اولان متهملر اولدیغنی علاوه تذکار ایلدی . (مابعدی کله جک نسخه یه)

محاکمات قضائیه

مدیات قضائی نائب و بدایت محکمه سی رئیس سابق حسن فهی افندیگنک مواد معنه اجرا ییده وظیفه مأموریتی سوء استعمال ایلدیک دیار بکر ولایتی استیناف محکمه سی مدعی عمومیکسندن وارد اولان اوراق تحقیقیه مندرجاتدن اکلالمش سنه مبنی رئیس مومی الیهک محاکمه آتته آتسنه عدلیه نظارت جلیله سندن مأذونیت ویریلرک مذکور محله تبلیغات لازمه ایفا و کیفیت محاکمسندن طرف عالی مشیختنهای یده معلومات اعطا قلمشدر .

طرول قضائی ناجی و بدایت محکمه سی رئیس قائم فکری و مستطلق معاونی ابراهیم مدعی عمومی مساوئی وکیل محمود افندیگنک خلاف اصول و قانون معاملات ایله وظیفه مأموریتلرینی سوء استعمال ایلدکری طریزون ولایتی استیناف محکمه سی مدعی عمومیکسندن وارد اولان اوراق تحقیقیه مندرجاتدن مستبان اولسنه مبنی مومی الیهک محاکمه آتته آتسنه عدلیه نظارت جلیله سندن مأذونیت ویریلرک مذکور مدعی عمومیک تبلیغات لازمه ایفا و رئیس مومی الیهک کیفیت محاکمسندن طرف عالی مشیختنهای یده معلومات اعطا ایدلشد .

اعلانات

نجات هر فکرمند

لغده طلومه میداننده فایز قده مقیم غازوز تجارتیه مشغول (آ . وق .) مانجوریدی برادرلر شرکتک ۲۲ تشرین اول سنه ۳۲۳ تاریخدن اعتباراً اعلان افلاسه و مصالح افلاسه نک رؤیت و تسویه سی ضمنده اعضای محکمه دن سعادتلو ابراهیم بکل ژورنومیسر و دعوی وکیللردن باندلا کی قوزمیدی افندیگنک موقت سندیک تمیزلرینه و مغازه سیله ایشای زانده بیتیه سنک تمیزلرینه و اوراق و دفاترینک جلبنه و کفالت مصدقه ارانه ایده مدیک تقدیرده حبس و توقیفه و بویاده کی قرارک موقتاً اجراسنه تجارت بحریه محکمه سنجه قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولق اوزره اشبو ۳۲۳ سنه سی تشرین ثانیسنک اونیشجی بخشینه کونی ساعت یدی راده لرنده اصحاب مطلوبک محکمه مذکورده نک مصالح

افلاسیه رؤیتہ مخصوص اوطهسنہ کلری اعلان اولنور .

استانبولده محمود پاشا جوارنده دیقرا نیان خانی آلتده ۶ نومرولی مغازهده تحفیه تجار تیله مشغول شویلا برادرلر شرکتک ۳۱ تشرین اول سنه ۳۲۳ تاریخندن اعتباراً اعلان افلاسنه ومصالح افلاسیه نکر رؤیت وتسویه سی ضمنده اعضای محکمه دن عزت لوصبری بکک ژور قومیسر ودعوی وکیللرندن عثمان طلعت بک ایله سلیم حسنی وپانده لاک قوزمیدی افندیلرک موقت سندیک تعیینلرینه ومغازه سیله اشیای زائده بیتیه سنک تمهیرینه واوراق ودفاترینک جلبنه وکفالت مصدقه ارأه ایده مدیکی تقدیرده حبس وتوقیفنه وبوبابده کی قرارک موقتاً اجراسنه تجارت بحریه محکمه سنجه قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره اشبو ۳۲۳ سنه سی تشرین ثانیسنک اون دردننجی چهارشنبه کونی ساعت یدی راده لرنده اصحاب مطلوبک محکمه مذکورده نک مصالح افلاسیه رؤیتہ مخصوص اوطهسنه کلری اعلان اولنور .

اسکدارده چارشو بوینده ساکن ایکن تجارت بحریه محکمه سندن افلاسنه حکم اولنش اولان تحفیه جی ومانیفاطوره جی مغردیچ چیلنکریانک خصوصات افلاسیه سنک رؤیت وتسویه سی ضمنده دعوی وکیللرندن یادکار اوغلی پاولا کی افندی اصالة سندیک تعیین قلمش اولدیغندن مفلس مرقوم ذمتده آله جنی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکرمی برکون ظرفنده سنداتی محکمه کاتبه تسلیم ایلری ومدت مذکوره ختامندن صوکره اوچ کونده یعنی ۳۲۳ سنه سی تشرین ثانیسنک یکرمنجی صالی ویکرمی برنجی چهارشنبه ویکرمی ایکنجی پنجشنبه کونلری تجارت بحریه محکمه سنک افلاس معاملاتنه مخصوص اوطهسنه کلرک سندیک افندیلر مواجهه سنده آله جقلرینی اثبات وقید وتصدیق ایتدیرملری ومدت مذکورده اثبات وجود ایده میان آله جقلولر حقنده قانون مذکورک ۲۱۰ نجی ماده سنه توفیقاً ایفای معامله اولنه جنی اعلان اولنور .

محکمہ تجارت اجراء دادره سنده :

پینرچی یورکی پ طپوز اوغلنک درسعادته لغه کیرده میخانه زقاغده کائن خانهده مقیم بقال قوزمه لیچا ذمتده محکمه تمیزدن لاحق اولان وصورتی ۱۶ مارت سنه ۳۲۳ تاریخنده مدیون مرقومه تبلیغ قلنان ۱۰ مارت سنه ۳۲۳ تاریخلی

اعلام موجبجه آله جنی اولان اوتوزالتی عدد لیرای عثمانیک فائض ومصارف محاکمسی ایله برابر اشبو تشرین ثانی رومینک یدنجی چهارشنبه کونندن اعتباراً طقسان برکون ظرفنده مدیون مرقوم قوزمه موقع اجرایه مراجعتله تسویه ایلمی وقانوناً قبوله شایان بردیجکی اولدینی تقدیرده مدت مزبورده ظرفنده تحریراً بیان ایتمی لازم کلوب خلاقی تقدیرده مبلغ محکوم بکک تأمین استیفاسی ایچون حیز آلتده آلمش اولان بلاطده تحت مناره محله وجاده سنده یوز التمش درت ومکرر یوز التمش درت نومرولر ایله مرقم خانه ودکانده متوفی پدری پترو ولد میخالدن منتقلاً مرقوم قوزمه نک متصرف اولدینی حصه شایعه سنک فروختیله اتمانندن استیفای مطلوب ایتدیریلجکی معلوم اولق اوزره تنظیم اولنان اشبو اخبارنامه مدیون مرقوم قوزمه نک الیوم اقامتکاهی مجهول بولنق ملاسه سیله اصول محاکمه حقوقیه نک یکرمی التنجی واجرا قانوننک یکرمی طقوزنجی ماده لرینه توفیقاً مرقوم قوزمه یه تبلیغ ایدلش عد اولنق اوزره محکمه تجارت اجرا دائره سی دیوانخانه سنه تعلیق اولدینی کبی غزته لر ایله دخی اعلاننه مبادرت قلندی .

درساعات امور مات نظام اجراء دادره سنده :

حسین آصف افندی نک مسک یاغی حاجی توفیق افندی ذمتده محکوم به آله جنی اولان مبالغک تأمین استیفاسی ایچون مدیون مومی الیهک عهده سنده بولنان چلی اوغلی خواجه علاء الدین محله سنده صابونچی خانی جاده سنده تخمیناً یکرمی آرشون عرصه اوزرینه مبنی و آلتده براب بودرومی حاوی وشهری یوز سکسان غروش ایجار کتوریر براب دکانک یوز یکرمی سهم اعتباریله یکرمی سهم نک تاریخ اعلاندن اعتباراً اون بش کون صوکره بالمزایده فروخته تشبث اولنه جنی درساعات اعلامات نظامیه اجرا دائره سندن اعلان اولنور .

عثمان افندی نک عایشه بیبه خانم ذمتده با اعلام نظامی محکوم به آله جغندن طولای مدیونه مزبورده نک عهده سنده اولوب حیز ایدیلان بشکطاشده شکک دده محله سنده اخلامور جاده سنده الی طقوز ومکرر الی طقوز نومرولی تخمیناً یوزاللی آرشون عرصه اوزرینه مبنی درت اوطه وبرمطبخ وبرقیو وبرطاشلق و آلتده واقع براب دکان ایله اتصائنده التی وبش آرشون عرصه اوزرینه مبنی ایکی باب دکان وبراب خانه نک اوچ ربع حصه سی علی الاصول اجرا قلنان مزایده نتیجه سنده لیرای عثمانی یوز غروش حسابیله طقوز

بیک غروشنده طالبی عهده سنده تقرر ایدرک موقتاً قرار داده سی کشیده قلمش اولدیغندن حصص مذکورده یوزده بش ضم ایله طالب اولانلرک تاریخ اعلاندن اعتباراً اوتوز برکون ظرفنده درساعات اعلامات نظامیه اجرا دائره سنه مراجعت ایلملری اعلان اولنور .

ضد ازمه تجارت محکمه سنده :

بروسده محمود پاشا خانده مقیم دری تجارندن حلیم افندی نک ۱۶ تشرین اول سنه ۳۲۳ تاریخندن اعتباراً اعلان افلاسنه ومصالح افلاسیه نک رؤیت وتسویه سی ضمنده اعضای محکمه دن مهران افندی نک ژور قومیسر ودعوی کیلرندن نظمی افندی نک موقت سندیک تعیینلرینه ومغازه سیله اشیای زائده بیتیه سنک تمهیرینه واوراق ودفاترینک جلبنه وکفالت مصدقه ارأه ایده مدیکی تقدیرده حبس وتوقیفنه وبوبابده کی قرارک موقتاً اجراسنه خداوندکار ولایتی مرکز تجارت محکمه سنجه قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره ۳۲۳ سنه سی تشرین ثانیسنک یکرمنجی صالی کونی ساعت بش راده لرنده اصحاب مطلوبک محکمه مذکورده نک مصالح افلاسیه رؤیتہ مخصوص اوطهسنه کلری اعلان اولنور .

اسکیشهر تجارت محکمه سنده :

اسکیشهرک اچقلان محله سندن اولوب اسکیشهر استاسیونی جوارنده قومیسو نیچلقه مشغول ولی بک یکنی محمد بکک ۲۵ ایلول سنه ۳۲۳ تاریخندن اعتباراً اعلان افلاسنه ومصالح افلاسیه نک رؤیت وتسویه سی ضمنده اعضا ملازمی سلیمان افندی نک ژور قومیسر ودعوی وکیللرندن سیمون وقره بت افندیلرک موقت سندیک تعیینلرینه ومغازه سیله اشیای زائده بیتیه سنک تمهیرینه واوراق ودفاترینک جلبنه وکفالت قویه ارأه ایده مدیکی تقدیرده حبس وتوقیفنه وبوبابده کی قرارک موقتاً اجراسنه اسکیشهر تجارت محکمه سنجه قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره تشرین ثانی نک سکزننجی پنجشنبه کونی ساعت التی راده لرنده اصحاب مطلوبک محکمه مذکورده نک مصالح افلاسیه رؤیتہ مخصوص اوطهسنه کلری اعلان اولنور .